

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVNSKI KANTON
OPĆINSKI SUD U KONJICU
Broj: 56 0 Su 056565 16 Su
Konjic, 09.12.2016. godine

Na osnovu člana 31. Zakona o sudovima u Federaciji BiH („Službene novine F BiH“, broj 38/05, 22/06, 63/10, 72/10, 7/13 i 52/14), člana 64. stav 1. tačka a), člana 70. i člana 89. Zakona o javnim nabavkama („Službeni glasnik BiH“, broj 39/14) – u daljem tekstu: ZJN, te preporuke Komisije za provođenje postupka javne nabavke roba- računarske opreme za potrebe Općinskog suda u Konjicu, date u Zapisniku broj 56 0 Su 056565 16 Su od 07.12.2016. godine, predsjednica Suda donosi

O D L U K U

o izboru najpovoljnijeg ponuđača i dodjeli ugovora za nabavku roba računarskih konfiguracija, štampača i stolni skener, za potrebe Općinskog suda u Konjicu

Član 1.

Prihvata se preporuka Komisije za javne nabavke i Ugovor o javnoj nabavci roba –računarskih konfiguracija pet komada, 17 komada štampača i jedan stolni skener, za potrebe Općinskog suda u Konjicu, dodjeljuje se ponuđaču Primaprom“ d.o.o. Banja Luka ulica Vidovdanska b.b., Banja Luka, a prema ponudi broj: ZP-691/16 od 30.11.2016. godine sa ukupnom cijenom od 20.219,00 KM bez PDV-a, (slovima dvadeset hiljada dvije stotine devetnaest KM), odnosno 23.656,23 KM sa PDV-om, (slovima: dvadeset i tri hiljade šest stotina pedeset i šest KM i 23/100) kao prihvatljivo ocjenjenom ponuđaču.

Član 2.

Ugovor o javnoj nabavci dostavit će se na potpis izabranom ponuđaču Primaprom“ d.o.o. Banja Luka ulica Vidovdanska b.b., Banja Luka, po proteku roka od 10 dana okončanja postupka javne nabavke, računajući od dana kada je ponuđač obavješten o izboru prihvatljive ponude.

Član 3.

Ova Odluka će se objaviti na web stranici Općinskog suda u Konjicu, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav 2. Zakona o javnim nabavkama.

Obrazloženje

Na osnovu Odluke o pokretanju postupka javne nabavke broj 56 0 Su 056565 16 Su od 08.11.2016. godine i Obavještenja o nabavci broj 11327-7-1-2-3-2/16, objavljenog na Portalu javnih nabavki 15.11.2016. godine u 14:37 sati, pokrenut je postupak javne nabavke roba – „računarskih konfiguracija pet komada, 17 komada računara i jedan stolni skener za potrebe Općinskog suda u Konjicu.

Javna nabavka je provedena putem Konkurentskog zahtjeva za dostavljanje ponuda.

Procijenjena vrijednost javne nabavke bez PDV-a je 20.999,00 KM.

Kriterij za dodjelu Ugovora shodno odredbama člana 64. Zakona o javnim nabavkama je „najniža cijena tehnički zadovoljavajuće ponude“.

Shodno Odluci o pokretanju postupka javne nabavke, a u vezi sa članom 88. stav 1. Zakona o javnim nabavkama, Ugovorni organ je uputio poziv za preuzimanje tenderske dokumentacije sa Portala javnih nabavki na adresu tri ponuđača i to:

1. „Katarina“ d.o.o. Mostar, Ante Starčevića broj 48;
2. Escape Computers, Trg državnosti, Konjic
3. Genelec d.o.o Tuzla, M.M.Dizdara 14, (Stupine B-14/1), Tuzla

Za predmetnu nabavku, tekst tenderske dokumentacije Konkurentskog zahtjeva- ponuđači su mogli preuzeti samo putem Portala javnih nabavki.

Zahtjev za pojašnjenje tenderske dokumentacije u predmetnom postupku nije bilo.

Komisija za provođenje tenderskih procedura Općinskog suda u Konjicu, formirana je Rješenjem predsjednice Suda broj 56 0 Su 056565 16 Su od 10.11.2016. godine (u daljem tekstu Komisija), je dana 01.12.2016. godine u 11:30 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, koji je dostavljen ponuđačima koji su učestvovali u postupku u zakonskom roku.

Nakon otvaranja ponuda Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj 56 0 Su 056565 16 Su od 07.12.2016. godine, koji je sastavni dio ove Odluke u kome je konstatovala slijedeće:

- da je ukupno pristigla jedna ponuda,
- da nije bilo neblagovremeno zaprimljenih ponuda,
- da je blagovremeno zaprimljena ponuda pristigla od ponuđača:

PRIMAPROM D.O.O. Banja Luka, Vidovanska b.b., 78000 Banja Luka.

Pregledom i analizom dostavljene dokumentacije ponuđača, Komisija je utvrdila da je dostavljena ponuda blagovremena i prihvatljiva prema obliku, sadržaju, potpunosti i sposobnosti obavljanja tehničke i profesionalne sposobnosti.

Komisija je takođe izvršila provjeru računске ispravnosti prihvatljive ponude po tački 6.14. tenderske dokumentacije Konkurentskog zahtjeva i utvrdila da ponuđač u Obrascu za cijene ponude Aneks 2. ima računsku grešku, koja se ogleda u pogrešnom množenju količine štampača i jedinične cijene, na način da količina 17 štampača pomnožena sa jediničnom cijenom od 677,00 KM iznosi 11.509, 00 KM, a ne 10.155,00 KM, tako da ukupna cijena ponude bez PDV iznosi 20.219,00 KM.

Ugovorni organ je dana 7.12. 2016. godine uputio zahtjev ponuđaču za prihvatanje računске greške broj 56 0 Su 056565 16 Su. Ponuđač je istog dana dostavio saglasnost, te potvrdio da je došlo do računске greške prilikom množenja količine štampača sa jediničnom cijenom, te

potvrdio da cijena 17 štampača iznosi 11.509,00 KM, a ukupna cijena roba bez PDV iznosi 20.219,00 KM.

U cilju utvrđivanja činjenice da li dostavljena ponuda koja ispunjava kvalifikacione i formalno-pravne uvjete zadovoljava i tehničke karakteristike postavljene Konkurentskim zahtjevom, predsjedavajuća Komisije je zatražila od IKT referenta ovog suda da dostavi mišljenje u pisanoj formi.

IKT referent je aktom od 01.12.2016. godine dostavio Izvještaj po pitanju tehničkih uvjeta iz Konkurentskog zahtjeva, prema kome ponuda ponuđača ispunjava tehničke uvjete iz Konkurentskog zahtjeva.

Polazeći od prethodno navedenih konstatacija i činjenice da je blagovremeno pristigla ponuda prihvatljiva za Ugovorni organ, obzirom da ispunjava sve uvjete iz Tenderske dokumentacije, Komisija je pristupila vrednovanju prihvatljive ponude prema kriteriju za izbor „najniža cijena tehnički zadovoljavajuće ponude, te dostavila preporuku o izboru ponuđača, **PRIMAPROM D.O.O. Banja Luka**, za nabavku roba- „računarskih konfiguracija pet komada, 17 komada štampača i jedan stolni skener“, za potrebe Općinskog suda u Konjicu.

Uvidom u priloženu dokumentaciju, nesporno je da je ponuda prihvatljiva.

U postupku donošenja ove odluke, posebno su cijenjene činjenice da je Komisija, pravilno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupak, predsjednica Suda nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Cijeneći naprijed navedeno, primjenom člana 64. stav1. tačka b) najniža cijena Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dopuštena je žalba u pisanoj formi koja se podnosi Ugovornom organu u roku od 5 (pet) dana od dana prijema Odluke, a u skladu sa članom 99. i 101. tačka 5.) Zakona o javnim nabavkama.

Dostavljeno:

1. Ponuđaču;
2. Komisija
3. a/a

